



The Office Of The Principal and Vice - Chancellor

**NJINGALWATI MANDLA MAKHANYA, THISELANHLOKO
NASEKELAMSHANSELA
INYUVESI YASENINGIZIMU AFRIKA
KUGUBHA KUSAYINDWA KWESIVUMELWANO SEKUSEBENTISANA
SEMINYAKA LEMI-3 PHAKATSI KWE-UNISA NE-NEMISA
OR TAMBO BUILDING, 13TH FLOOR, VIP LOUNGE
13 INKHWEKHWETI 2019**

I-Unisa, njengesikhungo setemfundvo lesihamba phambili e-Afrika naseNingizimu Afrika, siyatigcabha ngekusayindza Sivumelwano Sekusebentisa seminyanga lemi-3 ne-NEMISA. Kusisa Elwatini Lwelikhono - lolwatiwa njenge K4i – kuhambisana madvute netinhloso tekusebentsa kweNyuvesi yetfu.

I-K4i ibuke elucwaningweni macondzana nemakhono edijithali. I-NEMISA ne-ajenda emakhono edijithali yaseNingizimu Afrika

banenhloso yekufaka emakhono edijithali etimphilweni tebantfu baseNingizimu Afrika ... kutfutukisa bantfu ngekwehlukana nekutfutukisa ummango, kulingana ngemnotfo, ematfuba ekutfola umsebenti newemabhizinisi, kanye nematfuba ekuncintisana.

**I-Unisa akusiso kuphela sikhungo sekufundza bucalu nekufundza nge-
elektroniki lesikhona eveni lonkhe;** imisebenti yayo isebentisa kakhulu i-ICT. Munye wemikhakha yetfu yekucwaninga lengumnyombo ngematheknoloji emningwane newekuchumana ekutfutukisa (lowatiwa ngekutsi yi-ICT4D). Nge-ICT4D kushiwo kusetjentiswa kwema-ICT ekutfutukisa lahlose kwentancono simo seluntfu. I-ICT4D ngulenywe yemiklamo yelucwaningo lephambili lesihlanu ye-Unisa.

Lucwaningo lweUnisa lubuka:

- Kuphehla lwati nekutfutukisa likhono lebantfu ekuphendvuleni tidzingo teNingizimu Afrika neteLivekati lase-Afrika
- kutfutukisa intsandvo yelinyenti, emalungelo eluntfu nekuba sakhamuti lesibophekile
- likhono lekucamba nekwakha umtsamo kusayensi netheknoloji
- kusimamiswa kwemnotfo nekwemvelo
- kufundza khashane lokuvulekile

Kusobala kwekutsi lucwaningo kumakhono edijithali luyincenye yendzikimba lenkhulu.

Kusebentisana neNEMISA macondzana neK4i kumele kusebentisana lokulicinisa. I-K4i ngumtimba welucwaningo lochunyaniswe ne-ajenda emakhono edijithali avelonkhe ngeNEMISA lewela ngaphasi kweLitiko Letekuchumanisana Netemaposi (DTPS).

Lolucwaningo kumakhono edijithali lufaka ekhatsi budlelwane lobunyenti. Emanyuvesi lamanye layimfica aseNingizimu Afrika ayincenye yeluchungechunge lwesifundza lweNEMISA futsi lamanyuvesi abamba emaCoLabs emakhono edijithali. LamaCoLabs etifundza adlala tindzima letinyenti kantsi loku kufaka ekhatsi lucwaningo. I-K4i ihlelembisa iphindze ihole lucwaningo lwemakhono edijithali eveni lonkhe. Njengemkhono welucwaningo lwemakhono edijithali we-Unisa, i-K4i ihlose kuniketa imiphumela bekwenta sincumo ngekuya ngebufakazi.

I-Unisa itawuniketa umsebenti kulesimondzawo sebahlanganyeli labanyenti, ikhombise kutsi lucwaningo nekusebentisana

kungasebenta futsi kuhole iNingizimu Afrika phambili. EmaCoLabs emakhono edijithali akhona kulamanyuvesi lalandzelako:

- Inyuvesi yaseNshonalanga Kapa
- Inyuvesi Yetheknoloji yaseDurban
- Inyuvesi i-Walter Sisulu
- Inyuvesi yaseLimpopo
- Inyuvesi Yetheknoloji yaseVaal
- Inyuvesi yaseNyakatfo Nshonalanga
- Inyuvesi yaseMpumalanga
- I-Central University of Technology

I-Unisa iyakujabulela kwekutsi iNEMISA ikhetse i-Unisa kutsi ihole lolucwaningo lwemakhono edijithali.

Kusobala ngemsebenti lowentiwako - yi-Unisa kanye nato tonkhe letinye tikhungo tetemfundvo - kwekutsi tikhungo tetemfundvo tinendzima lebalulekile letiyidlalako ekutfufukisweni kweNingizimu Afrika. Asisasiyo imibhelebhele letimele yodvwa legadze lwati kodvwa singebadlali belicembu labasemcoka labafaka ligalelo lelihle esiveni. Asisebenti sodvwa Njengobe kubonakala ngemsebenti lowentiwa yiK4i,

sibambisene nahulumende, tinhlango tesive, temfundvo kanye nemabhizinisi.

Umtselela wemsebenzi welucwaningo lweK4i njengencinye yawo wonkhe umklamo wemakhono edijithali uholela kumsamo wemakhono edijithali lakhulako ... kuto tonkhe tigaba ... ngekhatsi kweNingizimu Afrika. Emakhono edijithali abalulekile nangabe iNingizimu Afrika itawuhlanganyela ngalokuphelele kuFourth Industrial Revolution. Lucwaningo kumakhono edijithali asemcoka nangabe sitawuba sitawutsatsa tincumo letisekelwe bufakazi ngaku-ajenda yemakhono edijithali.

Sibonga iNEMISA nabo bonkhe bahlanganyeli ngemsebenzi lowentiwe kute kube kunyalo. Siphindze siyibonge iNEMISA ngelusito loluchubekako nekwetsemba i-Unisa. Le-MoA ikhombisa kutsi iNEMISA iphindze kabili kwesekela ngetimali umsebenzi lowentiwe yiK4i ne-Unisa. I-NEMISA ikhulise imali yekwesekela kusuka ku R5.85 mn kuleminyaka lemibili lendlulile yaya ku R6.1 mn kulomnyaka lotako. Loku kukhombisa kwekutsi siniketa ligugu kanye nemakhono laswelakalako ku-ajenda emakhono edijithali onkhana.

Sikanye - kanye nabo bonkhe balingani - sitawuchubeka sikhulise
kutfufukiswa kweNingizimu Afrika nebantfu bayo.